

Naalackersuisut

19. november 2015

Digitaliseriineq pillugu Aqutsisoqarfik

digitalisering@nanaoq.gl

erfi@nanaoq.gl

Paasissutissat inunnut tunngasut suliarineqartarnerat pillugu inatsisip Kalaallit Nunaanni atuutilersinneqarnissaanik kunngip peqqussutaata Namminersorlutik Oqartussanit akuersaarneqarnissaa pillugu Inatsisartut aalajangigassaattut siunnersuutip Kalaallit Nunaanni Inatsisinut ataatsimiitsitaliamit suliarineqarnissaanut atatillugu Inatsisartut Naalackersuisunut ulloq 6. november 2015-imi apeqquteqaataanut immikkoortut 1-3, 8, 10, 12, 18-24 aamma 28-29-p akissutissaanut ilassuteqaqqullugu Kalaallit Nunaanni Digitaliseriineq pillugu Aqutsisoqarfiup ulloq 6. november 2015 Justitsministereqarfik qinnuigaa.

Ulloq 10. november 2015-imi oqarasuaatikkut oqaloqatigiinnermi Digitaliseriineq pillugu Aqutsisoqarfiup oqaatigaa Naalackersuisut namminneq apeqquteqaatip immikkoortui 1 aamma 28 akissagaat tamatumunngalu taarsiullugu apeqquteqaatip immikkoortoq 30-p akissuteqarfiginissaanut ilassuteqaqqullugu Justitsministereqarfik qinnuigalugu.

1. Apeqquteqaatip immikkoortui 2-3 imatut oqaasertaqarput:

”2. Siunnersuut pillugu Justitsministereqarfik siusinnerusukkut tusarniaasimava?

Taamaattoqarsimappat qanga?

3. Tusarniaanerit taakku nalaanni tusarniaavigineqartartut sorliit tusarniaanerup pappiarartaannik tigusaqarsimappat?”

Tassunga atatillugu Justitsministereqarfiup nalunaarutigisinnaavaa inuit pillugit paasissutissat suliarineqartarnerat pillugu inatsisip Kalaallit Nunaanni atuutilersinneqarnissaanik peqqussutissatut missingiut ulloq 18. februar 2011 Ministereqarfiup Domstolsstyrelsimut aamma Datatilsynimut nassiussimmamagu missingiullu pillugu oqaaseqaataasinnaasussanik qinnuigisimallugit.

Datatilsyni april 2011-mi akissuteqarpoq aamma Domstolsstyrelsen juli 2011-mi akissuteqarluni.

Tusarniaassutit akissuteqaataasa imaat pillugit oqartussaasut taakku marluk oqaloqatigereerlugit aamma tamatumunnga erseqqinnerusumik isummereernikkut peqqussutissatut missingiut iluarsaataq juni 2012-imi Justitsministereqarfiup Namminersorlutik Oqartussanut saqqummiussimavaa. Ministereqarfiup aammattaq peqqussutissatut missingiut iluarsaataq august 2015-imi Namminersorlutik Oqartussanut nassiussimavaa.

Tamatuma saniatigut peqqussutissatut missingiut Justitsministereqarfiup tusarniaassutigisimangikkaa takuneqarsinnaavoq.

2.1. Apeqquteqaammi immikkoortut 8, 10 aamma 12 kiisalu 18-24 imatut oqaasertaqarput:

”8. Qulaani pineqartoq imatut paasineqassava, tassalu Datatilsyni siunnersuuteqarnerimigut suliassineqassasoq Kalaallit Nunaanni suliarinninnertut nalunaarutigineqartut pillugit takussutissioqqullugu, kisiannili taanna tamanut ammasumik saqqummiunneqassanngitsoq?

10. Kalaallit Nunaanni nalunaarsukkat tamanut takussutissiarineqarsinnaanerintut atatillugu Datatilsyni sunik unammilligassaqaqarneranik oqaatiginnissinnaava?

12. Kalaallit Nunaanni sulianut naatsorsoqqissaakkat ukiumoortumik nalunaarusiartaat immikkut ittumik nalunaarsorneqassasut pilersaarutigineqarpa imaluunniit suliat tamaasa ataatsimoortillugit Datatilsynip ataatsimut naatsorsoqqissaagai pineqarpat?

18. Siunnersuutip atuutilersinneqarnerani Datatilsynip suliarisartagaasa annertusisinneqarnissaat naatsorsuutigineqarpa?

19. Siunnersuutip atuutilersinneqarnissaata kingunerisaanik Datatilsyni suliaqarnerulissava: naatsorsuutigineqarpa suliassat taakku suliarineqarnissaannut Datatilsyni sulisoqarnerulissasoq?

20. Datatilsyni Kalaallit Nunaanni nakkutilliinernik qasseriarluni suliaqarnikuua?

21. Datatilsyni siunissami Kalaallit Nunaanni qanoq annertutigisumik nakkutilliisalernissamik pilersaaruteqarpa?

22. Naammagittaalliuutit pillugit nalunaarutiginnittarnerit nassiussisarnerillu immersugassat atorlugit pisassava?

23. Suliffeqarfiit kalaallisut saaffiginnittut, oqaasiinnartigut imaluunniit allakkatigut qanoq annertutigisumik kalaallisut sullinneqartassamaarpat?

24. Innuttaasut kalaallisut saaffiginnittut, oqaasiinnartigut imaluunniit allakkatigut qanoq annertutigisumik kalaallisut sullinneqartassamaarpat?

2.2. Apeqquummi immikkoortut taakku akissutissatut Justitsministereqarfiup ilassuteqarnissaanut atugassatut Datatilsynip oqaaseqaataanik ministereqarfik pissarsisimavoq, taannalu makkuninnga paasissutissiivoq:

”Apeqquteqaat 8-mut

Inunnut paasissutissat pillugit inatsimmi atuuttumi § 54, imm. 1 naapertorlugu allassimavoq §§ 43, 48 aamma 52 malillugit suliarinninnerit nalunaarutigineqartut pillugit nakkutilliisutut oqartussaasut nalunaarsuisassasut. Nalunaarsuiffik pasissutissanik § 43, imm. 2-mi taaneqartunik minnerpaamik imaqartussa qikkunnit tamanit takuneqarsinnaassaaq.

Datatilsyni isumaqarpoq inuit pillugit paasissutissanik inatsimmi § 54 imm. 1-imi aalajangersakkami pineqanngitsoq – nakkutilliisoqarfiup nittartagaani – suliarinninnerit nalunaarutigineqarsimasut kikkunnut tamanut takussutissiarineqassasut. Taamaalilluni aamma nalunaarutigisat ullumikkut suussusilersukkat Datatilsynilli nittartagaani taaneqarsimannngitsut, kisiannili qimmuteqamikkut takuneqarsinnaasut.

Apeqquuteqaat 10-mut

Apeqquteqaat 8-p akissutaa qulaani pineqartoq kiisalu (immikkoortoq kingulleq) imm. 2-mut aamma imm. 6-imut akissuteqaatit Datatilsynip innersuussutigisinnaavai inuit pillugit paasissutissanik suliarinnittarneq pillugu inatsisip Kalaallit Nunaanni atuutilersinneqarnissaanik peqqussutissatut missingiut pillugu nakkutilliisoqarfiup Justitsministereqarfimmut oqaaseqaataa 11. april 2011-meersoq. [...]

Apeqquteqaat 12-imut

Datatilsynip Kalaallit Nunaanni suliaqarnera – massakutut – nalunaarusiami nakkutilliisoqarfiup ukiut tamaasa suliarisartagaani naleqquttumik annertussuseqartillugit oqaatigineqartassapput. Inuit pillugit paasissutissanik inatsisip atuutilersinneqareerneratigut Kalaallit Nunaanni kisitsisitigut naatsorsukkat qanoq ilillugit saqqummersinneqartarnissaat suli isummerfigineqanngilaq, matumani ilanngullugu nakkutilliisoqarfiup journalplaniini naatsorsoqqissaakkat tungavigisaanni allannguisoqartariaqarnerseq.

Apeqquteqaat 18-imut

Datatilsynip uppermarsarsinnaavaa inuit pillugit paasissutissanik Kalaallit Nunaanni inatsisip atuutilersinneqarneratigut nakkutilliisoqarfiup suliassaasa annertusingaatsiarnissaat nakkutilliisoqarfiup naatsorsuutigaa.

Tamatumunnga ilaatigut pissutaavoq inuit pillugit paasissutissanik inatsit ullumikkut nalunaarsuisarneq pillugu inatsiseqartitsinermit atuuffissaa annertunerusimassasoq (assersuutigalugu ilisimatusarnernut), inuit pillugit paasissutissanik inatsit nalunaarsuisarneq akuersissuteqartarnerlu pillugit suli annertunerujussuarnik pisussaaffeqartitsisoq, inatsiseqartitsinermit susassaqaarfinnut killilersukkanut atatillugu killiliinissamik aamma pisinnaasat qulaajarneqarnissaanik apeqqutinik arlalinnik pilersoaarsinnaanera naatsorsuutigineqarpoq (assersuutigalugu peqqinnissaq, tusagassiutit, tuniniaaneq, tele, allagaatinik toqqorsivik, CPR, aningaasalersuineq aamma assiliissutit atorlugit nakkutilliineq) kiisalu peqqussutissatut missingiut Datatilsynip ilisimasaa (missingiut 20. juni 2012-imeersoq) malillugu kalaallit oqartussaasui pisussaaffilerneqassasut inatsisip tamanut nalinginnaasunik suliarineqartarnerannut atatillugu Datatilsynip oqaaseqaateqarnissaanut.

Tamatumunnga peqatigitillugu naatsorsuutigineqassaaq paasissutissat illersorneqarnissaanik susassaqaarfik inuit pillugit paasissutissanik inatsisip Kalaallit Nunaanni atuutinneqalerneratigut malinnaanerulersimaneq ilumut pisarialimmik pissutissaqartitsilernersoq, oqartussaasut, suliffeqarfiit aamma Kalaallit Nunaanni innuttaasut apeqquteqaatitigut naammagittaalliutitigullu saaffiginnissutigisartagaat amerlaneruleratarsinnaasut. Tamatuma saniatigut ataatsimut isigalugu kalaallisut danskisullu nutserisarneq suliassaqaarfigineqarnerulissasoq tamakkuninnga suliallit amerlisinnerisigut kiisalu Kalaallit Nunaanni nakkutilliartorluni angalasamerit

amerlanerulissasut, takuuk aamma apeqquteqaammut 21-mut ataani pineqartumut akissuteqaat kiisalu Datatilsynip tusarniaanermi akissutaani 11. april 2011-meersumi immikkoortoq 4-mut.

Apeqquteqaat 19-imut

Inunnut paasissutissat pillugit inatsit Kalaallit Nunaanni atuutinneqalissappat Datatilsynip naatsorsuutigaa nakkutilliisut aningaasaliissuteqartarnissaannut tamatuma qanoq kinguneqarnissaa pillugu Justitsministereqarfimmik oqaloqatiginnittarnissat aallartinneqassasut.

Apeqquteqaat 20-mut

Oqaatigineqartoq Datatilsynip imaatut paasivaa, tassalu ukiuni kingullerni tallimani Kalaallit Nunaanni nakkutilliisarsimaniviit qanoq ingerlanneqarsimanersut. Datatilsynip oqaatigisinnaavaa Nuummi pisortat oqartussaaffeqarfiini arfineq marloriarluni nakkutilliisoqarfik nakkutilliisarsimasoq november 2013-imi.

Folketingep Kalaallit Nunaat pillugu ataatsimiitsitaliaata apeqquteqaataata nr. 14-ip 27. august 2015-imeersup akissuteqarnissaanut nakkutilliisut ilassutaat pillugu Datatilsynep allagai 16. september 2015-imeersut innersuussutigineqarput. [...]

Apeqquteqaat 21-mut

Inunnut paasissutissat pillugit inatsisip Kalaallit Nunaanni atuutilersinneqarnissaanut inaarutaasumik aalajangiisoqarnissaa Datatilsynip utaqqimaarpaa, tamanna tunngavigalugu Kalaallit Nunaanni siumut isigisumik nakkutilliinissamik suliniutit suli pilersinnagit. Massakkorpiaq Datatilsynip naatsorsuutigaa inatsisitigut tunngavissat nutaat kingunerisaannik nakkutilliisarneq annertusineqassasoq. Taamaattorli pisumi uani nakkutilliinissami suliassat aallartinneqarnissaanni nakkutilliisut ullumikkorpiaq sulisoqarnerata qanoq inissisimanagera apeqqutaassaaq.

Apeqquteqaat 22-mut

Datatilsynip naatsorsuutigaa immersugassat atomerisigut inunnut paasissutissat pillugit inatsit malillugu Kalaallit Nunaanni nalunaarutiginninnerit piimaartut. Datatilsynip isumaliutersuutigiumavaa pissusissamisoornersooq naammagittaalliutit tunniuttarneranni immersugassat atugassat aamma suliarineqartassanersut.

Apeqquteqaatit 23 aamma 24-mut

Datatilsynip naatsorsuutigaa allakkatigut apeqquteqaatit kalaallisuut suliarinissaannut nutserisoqarnissaq qinnuteqaatigineqassasoq. Massakkorpiaq Datatilsynip naatsorsuutiginnilaa oqaatsit atorlugit saaffiginnissutit kalaallisut suliarineqarsinnaassasut.

2.3. Qulaani immikkoortoq 2.2-mi Datatilsynep oqaaseqaataanut 11. april 2011-meersut aamma 16. september 2015-imeersut innersuussutigineqarnerannut tunngatillugu (“Apeqquteqaat 10-mut”, “Apeqquteqaat 18-imut” aamma “Apeqquteqaat 20-mut”) taakkununga tunngatillugu Justitsministereqarfiup oqaatigisinnaavai makku immikkoortoq 2-mi taakkartorneqartut (titarnertaaq kingulleq), immikkoortoq 4 aamma immikkoortoq 6 Datatilsynip oqaaseqaataani 11. april 2011-mi:

“2. [...]

Datatilsynep aammattaaq paasivaa ilaanneeriarluni arlalitsigut piunasaqaatigineqarsinnaasoq saaffiginnissutit akissutillu kalaallisut ingerlanneqarsinnaassasut. Tamatuma massakkut atugassarititaasut atorlugit suliarineqarsinnaanera periarfissaqanngitsutut imaluunniit suliarinissaanut Datatilsyni periarfissaqanngilaaq, assersuutigalugu nakkutilliisoqarfiup elektronik atorlugu nalunaaruteqariaasiata nalunaarutit kalaallisuut suliarisinnaanngilai aamma taamatut pisinnaalernissaa aaqquisuunneqarsinnaanngilaaq saaffiginnissutit taama ittut suliarinissaannut.

[...]

4. Inunnut paasissutissat pillugit inatsit inatsimmut allamut tunngatillugu arlalippassuarnik killeqartitsivoq, assersuutigalugu aningaasaliisarnermut inatsiseqartitsineq, ussasaarisarnermut inatsiseqartitsineq, tele pillugu inatsiseqartitsineq, CPR pillugu inatsiseqartitsineq, peqqinnissaq pillugu inatsit, pisortat ingerlatsinerannut tunngatillugu inatsiseqartitsineq, sulisartoqarnermut

inatsisitigut malittarisassat, tusagassiuisarneq tv-kullu nakkutilliisarneq pillugu inatsit il.il.

Erseqqinnerusumik killilersuutit aamma pisinnaasassat agguataarnissaannut tunngasut Danmarkimi inatsisitigut aalajangersarneqarsimapput – tassani ilanngullugit malittarisassat inunnut paasissutissat pillugit inatsimmut peqatigitillugu atuutinneqalissasut – aamma isumaqatigiissuteqarnikkut kiisalu oqartussaaffeqarfinnik allanik suleqateqarnikkut oqartussaaffeqarfiit susassaqarfinnut killilikkanut pisinnaasaqarfeqartillugit.

Kalaallit Nunaanni inatsisit iluarsaatat assigiinngitsut pissutigalugit pissutsini Danmarkimi atuuttunut taakku sanilliukkaanni Datatilsynip manna tunngaviginiarpaa, tassalu killiliussassat aamma assigiinngissuteqassasut – pisinnaasassatut killiliussassat aamma suleqatissat allat eqqarsaatigalugit. Taamaattoqassappat tamatuma nassatarisussaavaa malittarisassat assigiinngitsut marluk sanileriissut tunngavigalugit Datatilsyni sulisariaqalissasoq – ataaseq Danmarkimut tunngasoq ataaserlu Kalaallit Nunaannut tunngasoq.

Atuisartunut inatsiseqartitsinermut tunngatillugu ussassaarisarnermut inatsimmi iluarsiivigineqarput makku assersuutigalugit suliffeqarfiup ussassaarinermi pappiaraatiminik nammineq pisisartuminut nassiussarnissaanut, taamaattorli inunnut paasissutissat pillugit inatsimmi ilaatigut iluarsiivigineqarput pisisartut pillugit paasissutissat ingerlateqqittarneqarnerat ussassaarinermut atugassatut. Inunnut paasissutissat pillugit inatsimmut tunngatillugu peqqussummi allannguisoqarnerit aallaavigalugit Datatilsynip manna tunngaviginiarpaa, tassalu ussassaarinermik inatsisip Kalaallit Nunaanni atuutilersinneqarsimannginnera. Aamma malittarisassat taama ittut Kalaallit Nunaanni nassaassaannginnerat. Datatilsynip erseqqissumik paasisimangilaa Kalaallit Nunaanni qanoq inatsiseqartitsisoqassanersoq ussassaarisarnermi inatsimmi malittarisassaqartinnagu inunnut paasissutissat pillugit inatsimmut tapertaasussanik, tassani ilanngullugu

tamanna inunnut paasissutissat pillugit inatsimmut qanoq sunik sunniuteqassanersoq § 6 imm. 2, § 12 aamma § 36 eqqarsaatigalugit. Tamanna erseqqissumik paasineqartariaqarpoq.

Peqqinnissaq pillugu inatsiseqartitsinermi peqqinnissaq pillugu inatsit iluarsissuteqarpoq assersuutigalugu katsorsartittut pillugit allattugaatini paasissutissanik paasinnittussaataaneq aammalu ingerlateqqitsitsisarneq. Malittarisassat taakku Datatilsynimit isumagineqarneq ajorput. Datatilsynip piumasariumavaa misissorneqassasoq inatsisit taakku taamatut ittut qanoq annertutigisumik Kalaallit Nunaanni atuutinneqassanersut kiisalu taamaattoqarsimangippat inunnut paasissutissat pillugit inatsisip atuuffissaata kingunissai aamma inatsimmi § 7 imm. 5 kiisalu § 49 imm. I nr. 8-9 ilusiligaanissaat erseqqinnerusumik isumaliutigineqassasut.

Susassaqarfiit killissaqartitat tamakkorpiaat ajornartorsiutigineqarput assersuutigalugu aningaasaliisarnermi susassaqarfimmi, pisisartut pillugit paasissutissat ingerlateqqinneqartarnerat aningaasaliisarnermi suliaqartarneq pillugu inatsimmi iluarsivigineqarput, aningaasaliisarnermi suliat pisussaaffilerneqarput immikkut ittunik pisussaaffeqassasut assersuutigalugu aningaasatigut peqquserluutit pillugit inatsisunik unioqqutitsiunnaartitsisarneq pillugu inatsit aamma netbankini isumannaatsuunissaq pillugu Finanstilsynip immikkut ittummik pisinnaatitaaffii.

Aammattaaq tele pillugu inatsimmi immikkut ittunik malittarisassaqarpoq, IT aamma Telestyrelsen assersuutigalugu telefonit normui isertuussat imaluunniit normunik kukkusumik paasissutissiisarnert tamanut tusarliunneqarnissaat pillugit naammagittaalliuutinut atatillugu pisinnaatitaaffeqarmata aamma telemik ingerlatseqatigiiffiit suliassaraat paasissutissanik isernissanut nalunaarummi nalunaarsuisussaataaneq. Malittarisassat taakku arlallit Datatilsynimit nakkutigineqartussaanngillat.

Inunnut paasisutissanik tusagassiorfiit suliarinnittarnerannut tunngatillugu Datatilsyni immikkorluinnaq killilikkamik pisinnaatitaaffejarpoq aamma tusagassiuinermi aalajangiisartut ilaatiguinnaq pisinnaatitaaffejarlutik assersuutigalugu paasisutissat inunnut tunngasut tusagassiorfinni suliarineqartarnerat pillugu naammagittaalliutit suliarinissaannut pisinnaatitaaffiit. Aamma allagaatit toqqortarineqarnerat pillugu inatsimmi killilersuisoqarpoq, takuuk tamanna pillugu § 14-imut aamma CPR pillugu inatsimmi oqaaseqaatit, takukkit § 36 imm. 2-mut oqaaseqaatit.

Akiitsullit pillugit paasisutissanik suliffejarfiit suliffejarfinni aamma atuuppoq inunnut paasisutissat pillugit inatsimmi kap. 5 aamma 6 atuupput, tassani pinejarlutik aningaasaliisarnikkut suliffejarfiit pisortat oqartussaaffiisa ingerlateqqinneqartarnerannut immikkut ittumik ingerlatitseqqiisinaanermut tunngasut. Aammattaaq suliarinnittarnerit tamakku Statstidendemi tamanut ammasumik tusarliunneqartussaataapput.

Datatilsynip erseqqissumik paasisimangilaa inatsisit killilersuutaasut ilaat sorliit tamakkiisumik ilaannakortumilluunniit Kalaallit Nunaanni atuunnersut kiisalu tamanna sunik sunniuteqartarnersoq ilaatigut inunnik paasisutissat inatsisip atuuffigisaani. Datatilsynip erseqqissassavaa pingaaruteqarmat tamanna erseqqinnerusumik misissuiffigineqassasoq, imaalillugu inatsisip ilusilersorneqarnerani inatsisitigut inissisimanerit naleqqutinngitsortaata isiginiarneqarsinnaassallutik.

[...]

6. Datatilsynip nittartagaani suliarinninnerit nalunaarutigineqarsimasut pillugit nalunaarsuiffimmi tamanut ammasumi Danmarkimi allattuisoqartarpoq. Najoqqutassami allassimavoq nalunaarsuineq kikkunnit tamanit takuneqarsinnaassasoq.

Tamatuma nassatarisaanik suliassat tunngavigalugit Kalaallit Nunaanni suliarinnittarnerit nalunaarutigineqartartut pillugit allattugaatit tamanut

ammassumik takusassiarineqartarnissaat pillugu siunnersuutigissavaa Kalaallit Nunaanni allattukkat nakkutilliisut nittartagaanni kikkunnut tamanut tusarliunneqartassanngitsut kisiannili qinnuteqaateqarnikkut takutinneqarsinnaassasut, assersuutigalugu nakkutilliisut ESDH systemiannit allattugaatinit tigusaqarnikkut.”

Justitsministereqarfiup aammattaaq nalunaarutigisinnaavai Datatilsynip taakku pillugit oqaatigineqartut 16. september 2015-imi ima allassimasut:

”Inuinnaat nalunaarsuiffii il.il pillugit inatsit nr. 293 8. juni 1978-imeersoq aamma pisortatut oqartussat nalunaarsuiffii pillugit inatsit nr. 294 8. juni 1978-imeersoq Kalaallit Nunaanni atuupput. Nalunaarsuisarneq pillugu nakkutilliisut tassaapput oqartussaasut makkuninnga nakkutilliisartut tassalu nalunaarsuineq pillugu inatsisip Kalaallit Nunaanni unioqputinneqannginnissaa. Nalunaarsuisarneq pillugu nakkutilliisut suliassaat Datatilsynimit isumagineqartarput, takuuk inunnt paasissutissat pillugit inatsimmi § 76 imm. 7.

Kalaallit Nunaanni innuttaasut, suliffeqarfiit oqartussaasullu inatsisit pillugit apequtigisaat Datatilsynip ingerlaannartumik akissuteqarfigisarpai, soorluttaaq pissutsit Kalaallit Nunaanni nalunaarsuisarneq pillugu inatsimmi pineqartut pillugit naammagittaalliutit sularisarai. Datatilsyni aammattaaq nakkutilliiartortarpoq.

November 2013-imi Datatilsynip taamaalilluni Kalaallit Nunaanni nalunaarsuiffinnik arfineq marlunnik pisortat suliffeqarfiutaasa Namminersorlutik Oqartussat ataaniittut nakkutilliiiffiartorpai. Siullermik pingaarnerutillugulu sularineqarput nalunaarsuiffinni taakkunani pineqartuni innuttaasut pillugit paasissutissat isumannaatsuutinnissaat aammalu taakkununga isersinnaatitaaneq. Tamatumani ilanngullugit nalunaarsuisarneq pillugu najoqqutassiortoqarpoq isissutissat, aamma pisinnaatitsinerit suliatiqullu nakkutilliinissat inunnt paasissutissat pillugit oqartussaasunut oqaloqatigiissutigineqarput.

Tassanissaaq Datatilsyni KANUKOKA-mik (Kalaallit Nunaanni Kommunit Kattuffiannik) ataatsimeeqateqarpoq siunissami kommunini suliassat pillugit oqaloqatigiinnissaq siunertaralugu. Ilaatigut nalunaarsuisarnermi najoqqutassiornissaq pillugu.

Siusinnerusukkut Datatilsyni maj 2008-mi Nuummi ataatsimeeqateqarpoq aqutsisoqarfinnik marlunnik taamanikkut Namminersornerullutik Oqartussat ataanniisimasunik aammalu Naatsorsueqqissaartarfimmik kiisalu KANUKOKA-mik. Ataatsimiinnerni taakkunani pingaarnerutillugu siunertarineqarpoq nalunaarsuisarneq pillugu najoqqutassat missingersuusiorneqarnissaat. Taakkuuppullu oqaloqatigiinnissaq pitinnagu Datatilsynip siumoortumik sularisimasai.”

2.4. Malugineqassaaq ministeriat ilassutissaattut atugassanik Datatilsynip oqaaseqaataa tunngavigalugit ministereqarfik oqaloqateqalersimammat nakkutilliisoqarfimmik nakkutilliinermi tunngasunik apeqqutit marlussuit pillugit peqqussutissatut missingiummut atatillugu, tassani ilanngullugu Kalaallit Nunaanni paasissutissat pillugit akisussaasut nalunaarutigisartagaat pillugit allattugaatinik allattuisalernissamut periarfissat pillugit apeqqutit kikkunnit tamanit takuneqarsinnaasut. Oqaloqatigiinnerit taakku inernerisa ilassutissaannik Justitsministereqarfik nassiussissaaq.

3. Apeqquteqaatit immikkoortoq 29-30 imatut oqaasertaqarput:

”29. Naalackersuisut isumaqarpat pisortat oqartussaasuisa inunnik paasissutissat pillugit malittarisassanik siunnersuutigineqartunik unioqqutitsisarneranni unioqqutitsisut pineqaatissinneqarsinnaasut inuinnaat unioqqutitsisarnerat assigalugu?

30. Naalackersuisut isumaqarpat inunnik paasissutissanik pisortat oqartussaasut malittarisassatut siunnersuutaanik unioqqutitsisarnerit pillaatissarineqarsinnaasasut tassani malittarisassat atuuttut naapertorlugit?”

Immikkoortunut taakkununga Justitsministereqarfiup akissutaanut tunngatillugu ministereqarfiup ilassutaa 10. november 2015-imeersoq innersuussutigineqarpoq apeqqummi paasissutissanut inatsisitígullu isumannaatsuunissaq pillugu Inatsisartut Naalakkersuisunut saqqummiussaannut 1. juni 2015-imeersumut tunngatillugu apeqqummi immikkoortoq 2-p akinissaanut. Justitsministereqarfiup ilassutaa kopiinngorlugu ilisimatitsissutitut ilanngunneqarpoq.

Søren Pind

/

Jakob Lundsager